

**ANG**

Bayan

Pahayagan ng Partido Komunista ng Pilipinas
Pinapatnubayan ng Marxismo-Leninismo-Maoismo

Taon XXXVI Blg. 18
Setyembre 21, 2005
www.philippinerevolution.org

Editorial

Ilunsad ang mga taktikal na opensiba sa buong bansa



Nakahanda at buo ang determinasyon ng Bagong Hukbong Bayan (BHB) na maglunsad ng mga taktikal na opensiba sa buong kapuluan bilang pinakamapat na tugon sa lumalalang krisis sa paghahari ng pasista at pahirap na rehimeng Arroyo. Ang paglulunsad ng mga taktikal na opensiba ay tugon sa mahigpit na kahilingan ng mamamayang Pilipino at pagsuporta sa kanilang panawagan at pagkilos sa lansangan para sa pagpapatalsik kay Gloria Arroyo.

Layunin ng mga taktikal na opensiba ng BHB ang magdulot ng malalakas na bigwas upang ipakita ang labis na galit at pagkasuklam ng mamamayang Pilipino sa anti-mamamayan, makadayuhan at mapanupil na rehimen.

Matindi ang pagkakahiwalay ng rehimeng Arroyo sa mamamayang Pilipino. Hindi ito makatatama sa suporta ng mamamayan sa harap ng labis-labis na pagpapahirap at pang-aapi sa kanila, at lantarang pagpapakasasa sa korapsyon ng pami-

lyang Arroyo at mga kapanalig nito. Nakapananatili na lamang ito sa poder dahil sa makitid na suporta ng gubyernong US, matataas na upisyal ng militar at pulisya, ilang masugid na militarista, kleriko-pasista at bayarang myembro sa gabinete. Nakukuha pa nito ang suporta ng karamihan ng mga kongresista at mga lokal na upisyal ng gubyerno pero kapalit lamang ng malaking halagang pansuhol at panggantimpala sa anyo ng mga proyekto, matatabang pusion para sa mga kamag-anak at iba pang mga pabor.

Napakahina at napakabuway na ng rehimeng Arroyo. Ang paglulunsad ng mga taktikal na opensiba ng BHB ay pagsuporta sa kabuuang pagsisikap ng sambayanan upang ibagsak ang

Mga tampok sa isyung ito...

Panunuhol ni Arroyo sa Kongreso
PAHINA 5

Resulta sa usapan sa Oslo, binaluktot
PAHINA 7

Gaza: Pinakamalaking bilangguan sa buong mundo
PAHINA 11

Sa paglulunsad ng mga taktikal na opensiba, layunin din ng BHB na pahinain ang kakayahan ng rehimen na gamitin ang mga pasistang mersenaryong sundalo at pulisya upang supilin ang mga pagkilos ng mamamayan sa lansangan.


gumegewang-gewang nang rehimen at bigwasan ang mga armadong yunit ng AFP at PNP na siyang pinakapundasyon ng paghahari ng rehimeng Arroyo o ng anumang reaksyunaryong rehimen.

Mulat ang mga rebolusyonaryong armadong pwersa na sa kasalukuyan ay kailangan pang magtipon ng sapat na armadong lakas upang kayaning maibagsak ang buong reaksyunaryong naghaharing estado at sistema sa hinaharap. Gayunpaman, lubusan ding nagagagap ng mga rebolusyonaryong armadong pwersa na maaaring pabagsakin ang rehimeng Arroyo bilang kasalukuyang nangan-gasiwa sa reaksyunaryong sistema. Ang layuning ito ay makakamit ng mamamayang Pilipino, pangunahin, sa pamamagitan ng malawakang pagkilos ng daan-daan libo hanggang milyun-milyong ma-

mamayan sa lansangan.

Sa paglulunsad ng mga taktikal na opensiba, layunin ng BHB na pahinain ang kakayahan ng rehimeng gamitin ang mga pasistang mersenaryong sundalo at pulisya upang supilin ang mga pagkilos ng mamamayan sa lansangan.

Layunin din nitong parusahan ang rehimeng Arroyo sa walang-humpay, lansakan at malawakang paglabag sa mga karapatang-tao, laluna sa kanayunan. Sa panahon ni Arroyo, daan-daang mga lider at aktibista ng mga progresibo at patriyotikong organisasyong masa, maging mga karaniwang mamamayang pinagsususpetsahang sumusuporta sa rebolusyonaryong kilusan ang pinahirapan at pinatay. Noon at laluna ngayon, pangunahing tar-



get ng mga yunit ng BHB ang mga pinakapusakal na yunit ng AFP at PNP na may madugong rekord ng paglapastangan sa karapatang-tao.

Ang matatagumpay na taktikal na opensiba ay nagbibigay-inspirasyon din sa mamamayang Pilipino sa pagsusulong nila ng kanilang mga pakikibaka para sa nakabubuhay na sahod, pagbababa ng presyo ng langis at iba pang bilihin at serbisyo, dagdag na badyet sa mga serbisyong panlipunan, pagwawakas sa panghihimasok ng US at iba pang

kagyat na kinakailangang mga pagbabago.

Ang ibayong pagpapaigting ng mga taktikal na opensiba ng Bagong Hukbong Bayan sa partikular na yugtong ito ay nakatuon sa pagtitipon ng mga tagumpay para mas mabilis na maisulong sa susunod na mas mataas na baitang ng estratehikong depensiba ang matagalang digmang bayan.

Sa katuus-tuusan, ang mga saligang suliranin na nagdudulot ng labis na kahirapan sa mamamayan ay malulutas lamang sa pamamagitan ng pagtatagumpay ng demokratikong rebolusyong bayan.

Ang bawat taktikal na opensiba, ang bawat pagsulong ng sandatahang pakikibaka ay ambag sa pagtatagumpay ng rebolusyonaryong kilusan na siyang tanging makapaghahatid ng maliwanag na kinabukasan para sa sambayanang Pilipino.

AB



Taon XXXVI Blg. 18 Setyembre 21, 2005

Ang *Ang Bayan* ay inilalabas sa wikang Pilipino, Bisaya, Iloko, Hiligaynon, Waray at Ingles.

Maaari itong i-download mula sa Philippine Revolution Web Central na matatagpuan sa:

www.philippinerevolution.org

Tumatanggap ang *Ang Bayan* ng mga kontribusyon sa anyo ng mga artikulo at balita. Hinihikayat din ang mga mambabasa na magpaabot ng mga puna at rekomendasyon sa ikauunlad ng ating pahayagan. Maaabot kami sa pamamagitan ng email sa: angbayan@yahoo.com

Nilalaman

Editorial

Ilunsad ang mga taktikal na opensiba sa buong bansa **1**

Walang kapanatagan si Arroyo **4**

Batas militar sa mga paaralan **5**

Di magkandatutong panunuhol ni Arroyo sa kongreso **6**

Mga taktikal na opensiba

Mga opensiba sa Quezon **7**

Militarisasyon sa Samar **7**

Harasment sa Bikol **8**

Mga *misencounter* ng militar **8**

Resulta sa Oslo, binaluktot **9**

Gaza: Pinakamalaking bilangguan **11**

Limos sa Palestine **12**

Ang *Ang Bayan* ay inilalathala dalawang beses bawat buwan ng Komite Sentral ng Partido Komunista ng Pilipinas


Walang natamong kapanatagan si Arroyo

Abot-langit ang tuwa ni Gloria Arroyo matapos ibasura ng kanyang mga alyado sa Kongreso ang reklamong *impeachment*. Dahil isang taon muna ang hihintayin bago muling makapagsampa ng panibagong kasong *impeachment* laban sa kanya, buong akala niya'y magagamit niya ang palugit na ito upang itulak ang mga mapanupil na hakbang para tuluyan nang durugin ang kanyang mga kalaban at sugpuin ang mga banta at pagkilos laban sa kanyang rehimen.

Katunayan, nang magtalumpati siya sa harap ng United Nations Security Council nitong Setyembre 12, buong yabang niyang pinagtibay ang komitment ng kanyang papet na rehimen sa "anti-teroristang kampanya" ng gubyernong Bush, ang paghahanda sa paggamit ng kamay na bakal at mga maladiktador na kapangyarihan laban sa pag-aalsang bayan at iba pang banta sa kanyang rehimen at ang pagtutulak ng Anti-Terrorism Bill.

Subalit hungkag at lubhang panandalian lamang ang nararamdaman niyang kapanatagan. Sa kabila ng pagbabasura ng *impeachment*, nananatili ang mabibigat na usapin ng pandaraya sa eleksyon, pandarambong, paglabag sa karapatang-tao at iba pang malalaking krimen na patuloy na inuungkat ng mamamayan.

Mismong sa pagdalo ni Arroyo sa pulong sa UN at sa iba pa niyang pinuntahang aktibidad sa New York, hindi siya tinantanan ng mga kilos protesta. Noong Setyembre 15, may 100 aktibista sa US ang nagprotesta laban kay Arroyo sa tapat ng Philippine Consulate. Sa kabila ng harassment ng New York Police Department at ng mga elemento ng US Secret Service, nabulabog ng mga nagpoprotesta ang magarang *art exhibit* na dinaluhan ni Arroyo sa lakas ng kanilang pagsisigaw ng mga islogan para sa pagpapataks sa pekeng presidente. Ilan sa mga du-



malo sa *art exhibit* ay sumama na rin sa kilos-protesta.

Bago ito, isang pambansang tigil-pasada ang inilunsad ng PISTON nitong Setyembre 12 upang igiit ang pagtatanggal kay Arroyo at tutulan ang walang tigil na pagtaas sa presyo ng langis.

Kasalukuyan ding pinag-aaralan ng Gloria Step Down Movement at iba pang koalisyong anti-Arroyo ang pagdaraos ng direktang pampublikong paglilitis kay Arroyo upang maihapag sa lahat ang mahahalagang ebidensyang hindi nailantad dulot ng pagbabasura sa *impeachment*.

Nakatakda rin muling maglunsad ang Bukluran para sa Katotohanan at Solidarity Movement, kapwa malalawak na koalisyong anti-Arroyo, ng malaking rali sa Setyembre 21, ang ika-33 anibersaryo ng deklarasyon ng batas militar, upang ilantad at mariing tutulan ang lumilina na pasistang tunguhin ng

rehimen at muling igiit ang pagpapataks dito.

Patuloy na namumuo ang daluyong ng protestang hahantong sa kapangyarihang bayan na magpapataks kay Arroyo sa poder.

Sa isang panayam nitong Setyembre 17, sinabi ni Renato de Villa, dating hepe ng AFP at kalihim ng depensa, at *convenor* ng Solidarity Movement, na tiyak na susuportahan ng militar at pulisya, laluna ng mga nakababatang upisyal, ang isang anti-Arroyong pag-aalsang bayan. Ikinagagalit ng nakaraming mga upisyal ng AFP at PNP ang garapal na mga pagmamaniobra ni Arroyo para patayin ang *impeachment*.

May deklarasyon din ang Young Officers' Union-new generation (YOUng) na dahil sa pagpatay ni Arroyo at kanyang mga kaalyado sa Kongreso sa *impeachment*, kikilos ang YOUng "upang tapusin na ang maruming sistemang pampulitika" at magtatag ng isang "prinsipyado at makamahirap na sistemang" binubuo ng mga taong "tunay na makabansa."

Samantala, sa harap ng lalong pagkakahiwalay ngayon ni Arroyo, ng pagtatatag ng ibayong pinalawak na nagkakaisang prenteng anti-Arroyo at ng napipintong paglulunsad ng mas malakihang mga pagkilos laban sa rehimen, nalantad ang pang-eespiya at panghihimasok ng US sa mga pangyayari sa loob ng bansa.

Inaresto ng US Federal Bureau of Investigation (FBI) noong Setyembre 12 si Michael Ray Aquino, dating upisyal ng PNP sa ilalim ni

Estrada at opereytor ng oposisyunistang si Panfilo Lacson, at ang kaugnayan niya sa loob ng FBI na si Leandro Aragoncillo. Pinaratangan ng US sina Aquino at Aragoncillo ng ilegal na pagkuha at pagpapadala ng mga lihim na dokumento ng FBI. Ang mga dokumento at impormasyong umano'y ipinasa nila ay pawang bunga ng paniniktik ng FBI sa galaw ng iba't ibang pwersang pampulitika sa Pilipinas, kapwa mga nasa poder at labas sa poder. Pinaniniwalaang kabilang sa mga kaugnayan nina Aquino sa Pilipinas sina Lacson, Joseph Estrada, Aguilino Pimentel Jr. at Roilo Golez.

Dahil sa pagkakalantad ng paniniktik na ginagawa ng FBI sa Pilipinas, naging sentral na isyu ang pagmamanman ng gubyrerno ng US sa mga internal na usapin ng bansa. Ang mga dokumentong ipinasa ni Aquino at Aragoncillo ay naglalaman ng mga impormasyon na bumabayo sa rehimeng Arroyo, mga maaari nitong kahantungan at mga implikasyon nito sa kagyat at pangmatagalang interes ng US. Kabilang din sa mga paksa ang posibilidad na maglunsad ng kudeta ang mga disgustadong elemento ng AFP at PNP laban kay Arroyo.

Nagbunsod ito ng mga pagtingin na kaya lamang pinag-iinitan ng US sina Aquino ay dahil ipinasa nila ang kanilang nakalap sa oposisyon. Ayon kay Satur Ocampo ng Bayan Muna, di malayo na pinaaabutan din ng US ng mga datos paniktik ang papet nitong nakaluklok sa Malakanyang upang makapanatili siya sa poder, di gaanong mayanig ang naghaharing sistema at mapangalagaan ang interes ng imperyalismong US.

Nabunyag din kamakailan ang kataksilan ng rehimeng Arroyo sa pambansang interes nang lumitaw ang pagkukumahog nitong makakuhang ng suporta at pondo mula sa gubyrernong US para sa pakanang *charter change* o *cha-cha*. Lumabas

Batas militar sa mga paaralan

Mariing binatikos ng National Union of Students of the Philippines (NUSP), AnakBayan, Youth Demanding Arroyo's Removal (Youth Dare) at iba pang militanteng organisasyon ng mga mag-aaral ang ipinalabas na memorandum ng Department of Education (DepEd) na tahasang nagbabawal sa mga mag-aaral mula elementarya at hayskul na lumahok sa mga rali sa mga oras ng pag-eeskwela at nag-aabiso rin sa mga mag-aaral sa kolehiyo at sa mga guro laban sa pagsali sa mga rali. Naglabas ang DepEd ng ganitong memo upang mapigilan ang paglahok ng mga estudyante at guro sa mga pagkilos laban sa rehimeng Arroyo.

Sa kaugnay na balita, kinundena rin ng mga estudyante ang garapal na pagtatalaga ng rehimen kay Gen. Ricardo de Leon bilang pangulo ng Mindanao State University (MSU). Ang MSU na matatagpuan sa Marawi City ay isa sa pinakamalalaking pampublikong unibersidad sa bansa. Si de Leon, dating *deputy director general* ng PNP, ay itinalagang "pansamantalang" presidente ng MSU noong Setyembre 13 batay sa rekomendasyon ni National Security Adviser Norberto Gonzales. Kailangan umano si de Leon sa MSU upang tugunan ang mga problemang panseguridad dulot umano ng terorismo at warlordismo.

Tahasang sinagasaan ng rehimen ang mga demokratikong proseso sa loob ng unibersidad para lamang maipwesto ang pinapaboran nitong heneral.

Nang umalma ang mga guro, estudyante at ang komunidad ng MSU sa garapalang pampulitikang batayan ng paghirang sa bagong presidente ng unibersidad, sinagot sila ni de Leon ng pandarahas. Noong Setyembre 13, iniutos ni de Leon ang pagbubuwag sa barikadang itinayo ng mga mag-aaral para iprotesta ang kanyang pagkakatalaga. Patuloy ngayon ang protesta ng buong komunidad. **AB**

sa masmidya nitong kalagitnaan ng Setyembre na lihim na nakipagkasundo si National Security Adviser Norberto Gonzales sa Venable LLP, isang kumpanyang Amerikanong kinontrata ng Malakanyang upang tulungan itong maimpluwensyahan ang matataas na upisyal ng US na pondohan ang *cha-cha*. Kapalit nito ang paglalako ng rehimeng Arroyo ng mga probisyon sa konstitusyon na puspusan nang magbibigay-laya sa mga dayuhang monopolyo kapitalista na dambun gin ang pambansang patrimonya ng Pilipinas.

Sa isang pahayag, sinabi ni Gregorio "Ka Roger" Rosal, tagapagsalita ng PKP na ang gayong

kataksilan ni Arroyo ay dagdag na batayan para siya'y patalsikin. "Lalo niyang ipinakikita na hindi niya kinakatawan ang interes ng mamamayang Pilipino kundi ng kanyang mga imperyalistang amo."

Dahil sa tindi ng batikos na inani ng gubyrerno rito, napilitan ang rehimeng Arroyo na pawalam-bisa ang kontrata sa Venable. Kasabay ng pagkakabunyag ng kontrata sa Venable, nasiwalat din ang siyam pang katulad na kontrata sa iba-ibang malalaking ahensya sa US na kinuha ng rehimeng Arroyo sa taksil at garapalan nitong pagkukumahog para sa mga pabor mula sa kongreso at iba pang sangay ng gubyrerno ng US. **AB**

Para patayin ang impeachment

Ang di magkandatutong panunuhol ni Arroyo sa kongreso

Nang pumutok ang iskandalo sa pandaraya sa eleksyon ng pangulo, agad na nagpakilos si Gloria Arroyo ng dambuhalang mga nakaw na rekursu upang matiyak na kontrolado niya ang mayorya sa kongreso. Sa takot na mapatalsik sa pwesto, kaliwa't kanang pakikipagkanegosasyon at panunuhol ang ginawa ni Arroyo sampu ng kanyang mga alipures sa gubyrerno.

Kapalit ng suporta sa mga maniobra para patayin ang prosesong *impeachment* sa kongreso at mapanatili si Arroyo sa poder ang limpak-limpak na salapi, pondo para umano sa proyekto, pusisyon sa gubyrerno para sa mga kamag-anak at pabor sa negosyo.

Pagcor. Simula pa lamang ng iskandalong dala ng "Hello Garci" tapes, agad nang pinakilos ng Malakanyang si Efraim Genuino, pangunahing opereytor ni Miguel "Mike" Arroyo at tagapangulo ng Philippine Amusement and Gaming Corp. (Pagcor).

Katuwang siya ni Arroyo sa pagtatawag sa mga kinatawan sa kongreso upang alukin sila ng pera kapalit ng boto laban sa *impeachment*. Agad ring nabunyang ang kanyang pamumudmod ng P200,000 at pangakong karagdang P300,000 at mga proyekto. May balitang aabot sa P1 milyon ang tinanggap ng ilang kongresista.

Kaugnay nito, ibinunyang ng nagbitiw na kalihim ng Department of Education na si Florencio Abad na tinanggihan ni Arroyo ang hiling ng ilang myembro ng gabinete na tanggalin na sa Pagcor si Genuino at iba pang mga tauhan ng asawa ng pangulo.

Sagot ni Arroyo, mahalaga si Genuino dahil siya ang "nag-aareglo sa masmidya at mga obispo." Kaugnay nito, napabalita na inaprubahan ni Arroyo ang pagpapalabas ng P12 milyon mula sa Pagcor para maipamudmod sa mga tagasuporta niya sa masmidya.


Road Users Tax. Bukod sa Pagcor, pribadong pondo rin ang pagturing ni Arroyo sa Road Users Tax (RUT) na nakalaan para sa pag-aayos ng mga kalsada. Sa halip na ipamahala sa Department of Budget and Management, ang pondo

ng RUT ay ipinapangasiwa sa Road Board na pinamumunuan ng kapatid ng pangunahing "*dirty tricks operator*" ni Arroyo na si Ronaldo Puno, presidente ng KAMPI na partido pulitikal ni Arroyo.

Noong 2004, inubos ni Arroyo ang P2.5 milyong milyon mula sa RUT para sa kanyang kampanya sa eleksyon. Ibinuhos niya ito sa pakitang-taong programang "Kalsada Natin, Alagaan Natin" na ginamit niya bilang libreng promosyon ng kanyang kandidatura. Aabot sa ilampung libong tagawalis ng kalsada ang binayaran niya upang magsuot ng mga *T-shirt* na nananawagang iboto siya sa eleksyon.

Nitong taon, itinaas sa P5.1 bilyon ang budget ng RUT at ang kalahati nito ang naipasa na sa Road Board para sa panunuhol ni Ronaldo Puno sa mga alipures ni Arroyo sa kongreso at iba pang mga sinusuhulan nila. Pinakamalalaki ang nakuha na mula rito nina Remedios Petilla ng Leyte (P90 milyon), Anthony Miranda ng Isabela (P65 milyon) at Reynaldo Aquino ng Pampanga (P50 milyon). Natigil lamang ang tuluyang pagkalimas ng pondo nang mabunyang ang suhulan.

Presidential Social Fund. Pondo naman mula sa Presidential Social Fund (PSF) ang isinuhol ni Arroyo kina Cong. Antonio Magsaysay Diaz ng ikalawang distrito ng Zambales at Cong. Isidoro Real, Jr. ng Zamboanga del Sur. Aabot sa P20 milyon ang ibinigay ni Arroyo sa ngalan ng *scholarship pro-*



gram ni Congressman Diaz.

Upang madisimula ang bayaran, idinaan ng pangulo noong magtatapos ang Agosto ang pera sa Department of Education (DepEd). May tatlong tseke na nagkakahalaga ng P5 milyon bawat isa. Mula sa Presidential Management Staff (PMS), idinaan sa DepEd ang bawat tseke na nakapangalan sa A. M. Diaz Scholarship Program na pribadong institusyon ng pamilyang Magsaysay. Lalong tumampok ang anomalya nang bawiin ng PMS nitong Setyembre 9 ang mga tseke matapos mabunyag sa masmidya ang suhulan.

Sa araw naman ng botohan sa plenaryo para sa report ng Justice Committee ng Kongreso, tinawagan sa telepono ng Malakanyang ang DepEd hinggil sa P5 milyon tseke para naman kay Cong. Isidoro Real, Jr. ng Zamboanga del Sur.

Ibinunyag ng isang empleyado ng Malakanyang na marami pang katulad na tseke para sa mga kongresista ang idinaan sa iba't ibang ahensya ng gubyrerno upang madisimula ang pagpasa ng pondo. Mahigit isang bilyon ang halaga ng PSF na tinatawag ding *pork barrel* ng presidente.

North Railway Relocation Project. Hayagang inamin ni Cong. Pedro Pancho ng Bulacan na kapalit ng pagbaligtad niya sa dating pagpabor sa *impeachment*, tumanggap siya mula sa Malakanyang ng halagang P321 milyon na "diskwento." Ang P321 milyon ay diskwento umano sa babayaran sa reloksyon ng mapapalikas na mahigit 9,000 pamilya nang dahil sa Philippine National Railways Modernization and Rehabilitation Program. Tiyak na makikinabang nang malaki si Pancho dahil ibinigay sa kanya ang kapangyarihang pagpasyahan kung sinu-sino ang bibigyan ng diskwento at sa gayon kung kani-kanino ibibigay o ibebenta ang mga lote sa reloksyon. Si Bise Presidente

Noli de Castro bilang tserman ng Housing and Urban Development Coordinating Council ang inatasan ni Arroyo para "tulongan" si Pancho na makakuha ng naturang "diskwento." Si Pancho ay lumiban sa araw ng botohan sa Kongreso noong Agosto 31.

Paghirang ng mga kamag-anak sa mga pusisyon sa gubyrerno. Kabi-kabilang ginamit din ni Arroyo ang paghirang ng malalapit na kamag-anak ng mga nililigawan niyang kinatawan sa Kongreso para maakit ang boto nila laban sa *impeachment*.

Pinagbitiw ni Arroyo si Francisco Licuanan III bilang tagapangulo ng Subic Bay Metropolitan Authority (SBMA) para maipwesto roon si Alfredo Antonio dahil hiniling ng pamilyang Magsaysay ang pagpwesto niya sa SBMA.

Iniatras na lamang uli ni Arroyo ang paghirang kay Antonio dahil sa matinding pagtutol ni Sen. Richard Gordon na matagal na ring gustong magmantine ng kontrol sa SBMA. Para mapagtimbang ang dalawang panig, naghirang na lamang uli si Arroyo ng ibang tagapangulo ng SBMA.

Para naman makuha ang boto ng kinatawan ng Alif *party-list* na si Akmad Tomawis, hinirang ni Arroyo ang kapatid niyang si Sultan Yahya "Jerry" Tomawis bilang Executive Director ng Office of Muslim Affairs (OMA).

At para rin makuha ang boto ng kinatawan ng Lanao del Sur na si Faisah Dumarpa, hinirang ni Arroyo ang kapatid niyang si Monib Maniri bilang OMA-Bureau of Pilgrimage and Endowment Director.

Para rin patuloy na ipagtanggol siya kahit papaano ni Sen.

Miriam Santiago, hinirang naman ni Arroyo ang kanyang kapatid na si Nenalyn bilang karagdagang myembro ng Commission on Higher Education.

Byahe. Umabot sa P25 milyon ang ginastos ni Arroyo mula sa kabang-bayan nang isama niya sa miting sa United Nations Security Council (UNSC) sa New York ang 50 *anti-impeachment* na kongresista at gobernador. Tumuloy ang mga kongresista sa Hilton Hotel kung saan \$500 (P28,000) ang bawat araw na upa sa kwarto.

Isinama sa byahe ang mga kongresista gayong wala naman silang gagawin doon kundi magliwaliw at pumwesto sa galeriya para pumalakpak sa pagdiskurso ni Arroyo sa harap ng UN SC. Naging kahiya-hiya ang kanilang astang walang modo at dahil dito'y sinita sila ng mga *sergeant-at-arms* ng UN dahil sa kanilang wala sa lugar na pagpalakpak at hiyawan.

ANG mga nabunyag na bayaran sa kongreso ay ilang sulyap pa lamang sa mas marami pang panunuhol, pagmamaniobra at negosasyong isinagawa ng pangulo sa pagkukumahog na manatili sa pwesto. Kasukasuka na sa kabila ng lumalalang kahirapan ng mamamayan at napakalakas na karaingan ng bayan para malaman ang katotohanan at mabigyang-katarungan ang maraming mabibigat na kasong kriminal ni Arroyo, nauangkat ang pagwawaldas ng pangulo sa bilyun-bilyon mula sa kabang-yaman ng bansa para masagkaan lamang ang prosesong *impeachment* laban sa kanya. Ipinakikita ng mga ito kung gaano kalubha at kasahol ang inabot na kabulukan ng rehimeng Arroyo.

AB



Mga taktikal na opensiba sa Quezon

Matagumpay na nabigwasan ng Apolonio Mendoza Command (AMC) ng Bagong Hukbong Bayan-Quezon ang nag-ooperasyong Reengineered Special Operations Team (RSOT) ng 76th IB sa Barangay San Pedro, Lopez, Quezon nitong ika-11 ng Setyembre. Sinalakay ng pito-kataong yunit ng BHB ang kinalalagyan ng mga RSOT kung saan nakahimpil ang 24 na sundalo.

Sa unang bugso pa lamang, ilan na ang tina-maan at nagtakbuhan na ang iba pa. Tatlong sundalo ang agad na namatay. Inilunsad ang panghaharas bilang parusa sa madugong rekord ng naturang yunit sa lugar.

Kabilang sa kanilang kaso ang pagpatay kay Emmanuel Eseo, isang manggagawa at residente ng barangay, na pinagbabaril ng mga militar ilang oras bago sila salakayin noong umaga ng Setyembre 11.

Bago ito, anim na elemento ng militar at pulisya ang namatay nang ambusin ng AMC ang pinagsanib na mga pwersa ng 76th IB at 416th PNP Provincial Mobile Group noong Agosto 23 sa Barangay Villa Nacaob, Lopez, Quezon.

Limang araw nang nag-oopera-syon ang mga sundalo sa hang-ganan ng mga bayan ng Lopez at Macalelon at mataman na silang nasusubaybayan ng AMC na nagkataong nakahimpil doon. Naghintay ito ng pagkakataong madurog ang mapahihiwalay na yunit ng kaaway at mapadpad sa kalapit nila.

Tyempong nakalapit ang 24 na tropa ng kaaway. Bahagi sila ng tatlong-seksyong pwersa (o katumbas ng isang maliit na kumpanya) na gumagalugad sa lugar. Agad silang pinaputukan ng mga Pulang mandirigma. Dahil sa pagkasorpresa, pagkadaig sa manobra at pagkasukol sa di paborableng tereyn, nagkawatak-watak

sundan sa "Quezon...", pahina 8



Militarisasyon sa Northern Samar



MAHIGIT 50 pamilya mula sa Sityo Canonghan, Osmena, Palapag sa Northern Samar ang napilitang lumikas matapos pagbalingan ng galit ng mga desperadong tropa ng militar matapos itong dumanas ng kabiguan sa engkwentro nito sa isang yunit ng BHB noong Agosto 25. Dahil sa matinding pananakot ng militar, napilitan ding lumikas ang mahigit 30 pamilya mula sa kalapit na Sityo Cag-anibong. Hinalughog ng mga militar ang kanilang mga bahay at sinunog ang ilang kagamitan. Ninakaw ng mga ito ang ilang mga alagang hayop at mga paninda ng kanilang kooperatiba.

Bago ito, isang sundalo ang namatay at ilan ang nasugatan nang ambusin ng isang yunit ng RUC-BHB ang mga elemento ng 63rd IB sa naturan ding sityo noong Agosto 20. Tinambangan ang mga sundalo habang naglalakad ang mga ito papunta sa sentro ng baryo. Taliwas sa iniulat ng militar, wala ni isang kaswalti ang mga Pulang mandirigma.

Dulot nito, 13 lalaki ang tinipon at pinaggugulpi ng mga tropa ng 63rd IB sa pamumuno ni 2Lt. Gilbert Denzo. Isang menor de edad ang pwersahang isinama ng militar sa kanilang operasyon. Hinalughog ng mga tropang ito ang mga bahay ng dalawang kagawad ng barangay na inakusahang kakampi ng BHB. Isang babae ang nakunan at isa pa ang hinimatay dahil sa matinding pananakot ng kaaway.

AB



Mga operasyong harasment sa Bikol

SIYAM na sundalo ang napatay at dalawa ang nasugatan sa sunud-sunod na harasment ng Bagong Hukbong Bayan sa Albay at Camarines Sur noong Agosto laban sa mga nag-ooperasyong tropa ng kaaway.

Tinambangan ng isang tim ng BHB noong Agosto 18 ang nag-ooperasyong mga tropa ng 42nd IB sa Barangay Salvacion, Pasacao, Camarines Sur. Napatay ang isang korporal sa labanan.

Dalawang araw bago ito, dalawang sundalo ng 31st IB ang napatay sa isinagawang harasment ng isang tim ng BHB sa Barangay Mangkawayan, Lupi, Camarines Sur. Walang kahit isang kaswalti sa hanay ng mga Pulang gerilya.

Noong ikalawang linggo ng Agosto naman, binulabog ng isang tim ng BHB ang headquarters ng 7th Scout Ranger Coy (SRC) sa Barangay Anislag, Daraga, Albay. Tatlong

militar ang nasugatan.

Sa Albay pa rin, napatay ang dalawang sundalo sa ilalim ng 901st Brigade Headquarters, na nakabase sa Camp Villa Hermosa, Daraga sa harasment na isinagawa ng BHB noong Agosto 3.



Bago ito, pinarusahan noong Agosto 2 sina Sgt. Liberato Bustillo ng LSN 9th ID ng Philippine Army at Pfc. Jun Casimiro, mga ahente ng

paniktik na nakatalaga sa alkalde ng Pio Duran, Albay.

Apat namang elemento ng 7th SRC ang napatay nang tangkain nilang kubkubin ang isang iskwad ng BHB noong ikalawang linggo ng Agosto sa Barangay Catomag, Guinobatan, Albay. Isang Pulang mandirigma ang nagbuwis ng buhay sa labanan.

Sa laking galit ng mga pasistang kaaway, apat na magsasaka ang kanilang hinuli, binugbog at ikinulong. **AB**

Mga misencounter ng militar sa Bikol

IBINALITA sa radyo, telebisyon at pahayagan na sinalakay umano ng Bagong Hukbong Bayan (BHB) noong Agosto 25 ang isang *cell site* ng Globe sa Sorsogon City. Ayon sa ulat ng pulisya, pinagbabaril umano ng mga kasapi ng BHB ang *cell site* dahil tumatanggi ang Globe na magbayad ng rebolusyonaryong buwis.

Ayon pa sa ulat, mabilis umanong rumesponde ang mga tropa ng Philippine

Army, pero sa kasawiang-palad ay namatayan sila ng isang sundalo habang hinahabol ang tumatakas na mga Pulang mandirigma.



Ang totoo, mga sundalo mismo ng Philippine Army ang nag-away-away hanggang humantong ito sa pagbabarilan nila at pagkamatay ng isa sa kanila.

Upang pagtakpan ang madugong pangyayari, pinalabas ng militar ang gawagawang kwento na inatake ng BHB ang *cell site* ng Globe. **AB**

"Quezon...", mula sa pahina 7

ang hanay ng kaaway.

Tumagal nang halos dalawang oras ang labanan. Sa labis na takot, hindi na nagawang makasuporta sa kasamahan nilang napaalaban ang dalawa pang seksyon ng mga nag-ooperasyong kaaway sa kalapit. Bukod sa anim na napatay, maraming iba pa ang nasugatan at ang karamihan ng iba pa ay nagsitalilis. Nasaksihan ng mga taumbaryo kung papaanong ang tatlong tropa ng kaaway ay nag-

iwan ng kanilang armas, naghubad ng uniporme, at halos isang oras na nagtatakbo patungo sa kalsada.

Di na umabot sa labanan ang pinareimpors na dalawang MG520 at dalawa pang Huey na helikopter.

Matapos ang labanan, maayos na nakakalas ang mga Pulang mandirigma. May dalawang gerilya ang nasugatan nang di malubha.

Ikinatuwa ng mamamayan sa lugar ang pangyayari. Bago ito, ilegal na nanghalughog ang mga

sundalo ng 76th IB noong Agosto 5 sa bahay ng mag-asawang Arnel at Evelyn Palmero ng Barangay Vista Hermosa, Macalelon. Sinamam ng mga sundalo ang titulo ng mag-asawa sa kanilang niyugan, kasulatan hinggil sa pag-aari ng isang kabayo at perang nagkakahalagang P7,000.

Noon namang Agosto 18, ilegal na hinalughog ng mga elemento ng 76th IB ang bahay ng pamilya ni Danilo Rodriguez ng Barangay San Jose, Macalelon. **AB**


Resulta ng usapan sa Oslo, binaluktot ng GRP

Mula Agosto 28 hanggang 30, idinaos sa Oslo, Norway ang impormal na usapan sa pagitan ng NDFP at Gubyerno ng Republika ng Pilipinas (GRP) sa imbitasyon ng gubyerno ng Norway. Nakaupo rito ang mga tagapamagitan mula sa gubyerno ng Norway.

Nagbukas ang NDFP sa impormal na pag-uusap na ito pangunahin upang ilinaw ang ilang mga usaping sumulpot matapos ang ikatlong impormal na usapan sa Oslo noong nakaraang taon. Ninais din ng NDFP na gawing upisyal ang borador ng mga panukala at sulat nito sa GRP para sa pagpapabilis ng prosesong pangkapayapaan.

Sumang-ayon ang NDFP sa mungkahi ng mga kinatawan mula sa gubyerno ng Norway na gawing adyenda ang paglalata ng mga hakbangin at batayan para sa muling pagbubukas ng pormal na usapan. Tinugunan ito ng rehimeng Arroyo sa pamamagitan ng pagpapadala sa Oslo kay Rene Sarmiento, Presidential Adviser on the Peace Process at kanyang mga tauhan.

Bago ito, binatikos ng NDFP ang GRP sa patuloy nitong pagtanggong ipatupad ang mga kasunduan sa nakaraan, kabilang ang mga pinakahuling kasunduan sa Oslo noong Pebrero at Abril 2004. Ipinahayag ng NDFP na kung di igagalang ng GRP ang naturang mga kasunduan, hihintayin na lamang nito ang bagong rehimen laluna't di na rin magtatagal ang kasalukuyang rehimeng Arroyo. Binatikos din ng NDFP ang pagsuspinde ng GRP sa Joint Agreement on Safety and Immunity Guarantees (JASIG o Magkasanib na Kasunduang Gumagarantiya sa Kaligtasan at Imunidad) at bantag pag-aresto sa mga kalahok at konsultant ng NDFP sa usapang



pangkapayapaan bilang reaksiyon ng GRP sa pagtalikod na umano ng NDFP sa prosesong pangkapayapaan. Inilinao ng NDFP na di balido at bagkus ay isang paglabag sa mga kasunduan ang pagsuspinde ng GRP sa JASIG dahil ang pansamantalang sinuspinde lamang ng NDFP ay ang pormal na usapan. Sinabi ng NDFP na handa itong ipagpatuloy ang pakikipag-usap sa gubyerno, sinuman ang nakaupo rito, basta't maipatupad lamang ng GRP ang mga napagkaisahan sa mga dating kasunduan. Ayon pa sa NDFP, di naman napuputol ang mga impormal na usapan.

Sa bisperas ng impormal na usapan, naghapag din ang pambansang konseho ng NDFP ng panukalang kasunduan para sa pagpapabilis ng prosesong pangkapayapaan tungo sa kagyat na pagtatapos ng gera sibil at pamamayani ng kapayapaan sa bansa. Ang naturang panukala na pinamagatang Concise Agreement for an Immediate and Just Peace (CAIJP o Maigsing Kasunduan para sa Kagyat at Makatarungang Kapayapaan) ay nakahapag sa Gubyerno ng Republika ng Pilipinas at maaaring tugunan ng rehimeng Arroyo o ng bagong rehimeng inaasahang pa-

palit dito.

Ang CAIJP ang tugon ng NDFP sa matagal nang ipinapanukala ng rehimeng Arroyo na "Final Peace Agreement" (FPA o Pinal na Kasunduang Pangkapayapaan) na magpapabilis umano sa proseso ng pagkakamit ng kapayapaan sa bansa. Hindi kailanman matatanggap ng PKP-BHB-NDFP ang panukalang FPA ng GRP dahil wala itong ibang laman kundi ang pagpapasuko sa mga armas ng rebolusyonaryong pwersa at pagbabalewala sa mga kahilingan ng mamamayan para sa mahahalagang reporma. Kapalit ng mga hungkag na pangako, iginigiit ng FPA ang pagpapatupad ng walang katuturang tigil-putukan.

Taliwas sa FPA, iginigiit ng CAIJP ang pagtatayo ng gubyernong koalisyong kung saan mananatiling independyente at may nagsasaring kapangyarihang pampolitika, mananatiling buo at armado ang mga rebolusyonaryong pwersa. Iginigiit din nito ang kagyat na pagpapatupad ng mahahalagang reporma para lutasin ang mga saligang suliranin ng mamamayan at at pawiin ang maka-imperyalista, antinasyunal at anti-mamamayang

oryentasyon at mga patakaran ng gubyrno. Sa gayong batayan lamang maipatutupad ang isang makatotohanan at makatarungang tigil-putukan.

Sa balangkas ng CAIJP, maaaring magkakasabay nang pag-usapan ng mga nakatayong *reciprocal working committee* ang mga puntong may kinalaman sa kani-kaniang adyenda upang mabilis na mabuo ang mga pagkakaisa sa bawat punto.

Ipinangako ng NDFP na titigil ang gera sibil sa araw mismong pirmahan kapwa ng prinsipal ng GRP at NDFP ang CAIJP.

Pinagkaisahan ng dalawang panig sa impormal na pag-uusap na ang prosesong pangkapayapaan ay binubuo ng mga pormal at impormal na usapan at mga konsultasyon. Hindi tigil ang usapang pangkapayapaan kahit ang pormal na negosasyon ay suspendido. Alinsunod rito, inamin ni Sarmiento na di nga balido ang pagsuspendi ni Executive Secretary Eduardo Ermita sa JASIG. Naobligang bawin ni Ermita noong Setyembre 2 ang *notice of suspension* na isinumite ng GRP *negotiating panel* sa NDFP noong Agosto 3.

Upisyal na tinanggap ng mga kinatawan ng GRP ang isang sulat ni NDFP *peace panel chairperson* Luis Jalandoni kay President Arroyo bilang prinsipal o siyang mapagpasya sa panig ng GRP. Inilinaw nito ang mga usaping nagulo dahil sa mali-mali at wala sa lugar na mga deklarasyon ng mga upisyal ng gabinete ni Arroyo. Tinuligsa ng NDFP ang ilang upisyal sa gabinete, tulad nina Ermita at National Security Adviser Norberto Gonzales, na umaastang mga "prinsipal" sa panig ng GRP, samantalang wala naman sila sa gayong katayuan.

Nailinaw sa pag-uusap na hanggat walang tahasang pagsang-ayon ang prinsipal nila, ang mga kinatawan ng GRP ay walang ka-

10-puntong panukalang kasunduan

ITAYO ang malinis at matapat na gubyernong koalisyon para sa tunay na pambansang kalayaan at demokrasya at laban sa imperyalistang dominasyon at kontrol

IGALANG ang mga demokratikong karapatan ng masang anakpawis at bigyan sila ng sapat na representasyon sa gubyernong koalisyon

IPATUPAD ang pambansang industriyalisasyon at reporma sa lupa at tutulan ang imperyalistang pandarambong at korapsyon sa militar at burukrasya

KANSELAHIN ang utang panlabas at bawasan ang inilalaang badyet para sa militar at iba pang armadong organisasyon ng GRP

ITAGUYOD ang patriyotiko, syentipiko at makamasang kultura

IGALANG ang karapatan sa pagpapasya-sa-sarili ng mga pambansang minorya

IMBESTIGAHAN at litisin ang mga upisyal ng gubyrno na may mga kasong pagtataksil sa bayan, korapsyon at paglabag sa karapatang-tao

IPATUPAD ang tunay na nagsasariling patakarang panlabas

MAGMANTINI ng relasyong pangkalakalan at diplomatiko sa iba pang bansa sa ASEAN, China, South at North Korea, Japan at Russia

IPATUPAD ang tigil-putukan sa pagitan ng mga armadong pwersa ng GRP at NDFP

pangyarihang tumugon nang upisyal sa mga usapin at magpasya tungkol sa muling pagbubukas ng pormal na usapan. Hanggang ngayon ay inaantabayanan pa rin ng NDFP ang tugon ni Arroyo sa mga paabot nito. Hinamon ng NDFP ang rehimeng Arroyo na kagyat na sumang-ayon sa inihahapag na adyenda upang maianunsyo na ng tagapamagitan ang muling pagbubukas ng pormal na usapan. Kapag sumang-ayon si Arroyo, agad na ring itatakda ang petsa, lugar at adyenda para sa pagpapatuloy ng pormal na usapan.

Nagbukas ang *peace panel* ng NDFP na maaari silang sumang-ayon sa maigsing pansamantalang tigil-putukan bilang pagpapakita ng kagandahang-loob sa pagbubukas ng pormal na usapan. Ngunit dahil wala pang naabot na pagkakaisa kaugnay sa muling pagbubukas ng pormal na usapan, nawalan din ng

saysay ang pagbubuo ng kasunduan sa tigil-putukan.

Mahigpit na itinagubilin ng mga kinatawan mula sa gubyrno ng Norway na iwasan ang adelantado at nakasisirang mga pahayag sa midya, laluna ang tungkol sa muling pagbubukas ng usapan at sa usapin ng tigil-putukan.

Sa kabila nito, pagkauwing-pagkauwi ng mga kinatawan ng GRP sa bansa ay agad na nilabag ni Sarmiento ang gayong tagubilin nang ianunsyo niyang "nagkaisa" ang dalawang panig na magbubukas na muli ang pormal na usapan sa Oktubre at may kasabay na rin itong deklarasyon ng tigil-putukan. Dahil dito, napilitan ang NDFP na maglabas ng pahayag upang pabulaanan ang pahayag ni Sarmiento. Pinalalabas ngayon ng GRP na ang NDFP ang siyang tumalikod sa mga kaisahan sa impormal na pag-usap noong Agosto 28-30. AB



Gaza Strip

Pinakamalaking bilangguan sa buong mundo

Ipinagmamayabang ng Israel na ang paglisan ng mga setler nito sa Gaza Strip noong Setyembre 11 ay isa umang positibong hakbang tungo sa kapayapaan sa pagitan nito at ng Palestine. Ngayon lamang binitawan ng Israel ang mga tirahan, sakahan at komunidad ng mamamayan sa Gaza Strip na sa loob ng nakaraang 38 taon ay marahas at iligal nilang inokupa. Ang Gaza Strip ay isa lamang sa mga teritoryo ng Palestine inokupa ng Israel mula 1967.

Noon pa mang isang taon, ipinangalandakan na ng mga lider ng Israel na kapag nilisan na nila ang Gaza Strip, hudyat na ito na tuluyan na rin nilang papatayin ang usapang pangkapayapaan at bibiguhin ang pagbubuo ng isang estadong Palestino.

Sa katunayan, paunang hakbang pa lamang ito sa kanilang pakana na tuluyan nang ikulong sa masisikip at hiwa-hiwalay na mga engklabo ang mga Palestino. Kakutsaba ang US, balak ng Israel na ikonsolida ang mga dati at dagdagan pa ang mga bagong kinokolonya nitong mas matatabang lupain at mas estratehiko, industriyalisado at komersyalisadong bahagi ng Palestine laluna sa West Bank at istorikong Jerusalem.

Gayundin, nais nitong higpitan ang pagbabakod sa Gaza Strip at ituloy ang iligal na pagtatayo ng iba pang bakod panseguridad upang palibutan ang mga kinakamkam nitong bahagi ng West Bank at Jerusalem na di hamak na mas malaki at mas mayaman kaysa sa lupang tigang na itinira sa mga Palestino. Pinalalabas ngayon ng Israel na maayos at mapayapa na nitong nireresolba ang napakarami nang mga krimen at pang-aapi sa mga Palestino sa nakaraang mahigit isang siglo.

Subalit ang totoo, ang mga lupain sa loob ng Gaza Strip lamang ang nilisan ng mga Israeli. Ba-

hagyang naginhawahan ang mga Palestino sa loob ng Gaza Strip dahil naibalik sa kanila ang mga lupa roon na maaari na nilang sakahin muli at tirikan ng kanilang mga bahay. Wala na rin sa loob ng Gaza ang Israeli Defense Forces (IDF) na nandarahas sa kanila.

Ngunit ang buong lugar ay ginawang napakalaking kulungan at impyerno para sa 1.4 milyong Palestinong naninirahan doon. Ang lahat ng hangganan ng Gaza Strip sa lupa, dagat at himpapawid ay patuloy, at sa katunayan ay mas

mahigpit pa ngayong kinokontrol ng Israel. Ang mahigit 56-kilometrong haba at mga pitong-metrong taas na bakod sa hangganan ng Gaza Strip at Israel ay lalong pinatitibay ng Israel.

Mas abante ang teknolohiyang panseguridad nito kaysa sa katulad na bakod na itinatayo ngayon ng Israel sa bahagi ng West Bank. Masinsin itong ginugwardyahan mula sa mga tore na mayroong *remote-controlled* (pwedeng kontrolin mula sa malayo) na mga *machine gun*. Kumpleto ito sa mga elektronik na *warning device* at mga *video camera* para sa surbeylans.

Patuloy na pinalilibutan ng mga tropang militar ng Israel ang Gaza. Tuluy-tuloy silang magpapatrulya sa pamamagitan ng mga *remote-controlled* na sasakyan na gagalugad sa



bakod at sa himpapawid ng Gaza Strip.

Kahit kunwa'y wala nang hurisdiksyon ang Israel sa Gaza, patuloy nitong kokontrolin ang Mediteranean Sea na gumigilid sa kanlurang bahagi ng Gaza Strip. Mahigpit na ipinagbabawal ng Israel sa mga Palestino na makalampas nang 18 kilometro sa dagat. Kontrolado rin ng Israel ang mga daungan na pwedeng pasukan at labasan ng mga produkto ng Palestine. Hindi rin nito pinahihintulutang buksan ang internasyunal na paliparan ng Gaza na binomba ng mga eroplano ng Israel.

Nananatiling nasa kontrol ng Israel ang lahat ng ruta mula Gaza, di lamang patungong Israel kundi pati patungong Egypt na nasa timog kanluran ng Gaza. Ang bakod, mga gwardyadong tore at mga interseksyon sa hangganan ng Gaza Strip

at Egypt ay patuloy na kokontrolin din ng Israel at hindi ng Egypt. Magmamantine ang IDF ng mga tropa sa hanggananang ito.

Putol ang komunikasyon ngayon ng mga taga-Gaza Strip sa iba pang bahagi ng Palestine at sa buong mundo. Walang Palestinong maaaring lumabas sa Gaza Strip na hindi dadaan sa napakahigpit na pagrere-kisa sa mga gwardyadong tawiran.

Sa ngayon, halos mga manggagawa lamang na kailangan pa sa ilang proyektong konstruksyon sa Tel Aviv, Ashkelon at ilan pang lugar sa Israel ang pinapatawid. Pero pagdating ng 2008, wala nang Palestinong papayagang tumawid papasok sa Israel mula sa Gaza Strip.

Kinundena ng mga Palestino ang mapanlinlang na paglisan ng Israel sa Gaza. Basang-basa ng mga Palestino na ang tunay na layunin

nito ay pahinain at hatiin ang paglaban ng mga armadong grupong nagtataguyod ng kasarinlan para sa Palestine, tulad ng Hamas. Anila, ang tunay na balak ng Israel ay kamkamin ang lupain ng mga Palestino, kasama na ang West Bank at East Jerusalem.

Sa harap ng pamamayagpag ng militaristang Israel, patuloy na iginigiit ng mga Palestino na itutuloy nila ang armadong paglaban upang sa kagyat ay mapasakanila nang muli ang East Jerusalem, West Bank at Gaza Strip at tuluyang mapalayas ang Israel sa kanilang mga lupain.

Matapang na naninindigan ang mga Palestino na nagsusulong ng armadong paglaban para sa pambansang kalayaan na hindi nila ito bibitiwan kasabay ng patuloy na pakikipaglaban din sa pamamaraang ligal ng Palestinian Authority. **AB**

Limos sa Palestine, premyo para sa Israel

Dagdag pang insulto sa Palestine ang pagbibigay ng US sa Israel ng \$2.2 bilyong ayuda para sa konstruksyon ng mga bagong komunidad ng mga lumisan sa Gaza Strip habang \$200 milyon lamang ang nakatakdang ayuda ng US sa Palestine Authority para sa pagkukumpuni ng mga bahay at imprastruktura na nawasak sa pambobomba ng Israel sa Gaza.

Ang Israel ay wala ni isang sentimong ibinayad sa pananakop at pamiminsala nito sa Gaza at sa kabuuan ng Palestine

Sa nakaraang ilang dekada, puu-puong libong Palestino ang itinaboy ng Israel mula sa kanilang mga tahanan sa Gaza Strip. Mula 1967 lamang, aabot sa 12,000 kabahayan doon ang dinemolis ng mga bulldoser ng Israel. Libu-libong pamilya ang ninakawan ng mga bahay, lupa at mga pananim. Dagdag dito, mula Setyembre 2000 hang-

gang Marso 2004, mahigit 2,800 ang pinatay ng mga pwersa ng Israel, kabilang ang 527 mga bata at menor de edad at 308 ang sinalbeyds.

Sa Gaza Strip, nagsisiksikan ang 1.4 milyong Palestino sa 360 kilometro kwadradong teritoryo. Isa ito sa mga lugar sa mundo na may napakakapal na populasyon sa napakakitid na lugar. Narito rin ang isa sa pinakamalaking konsentrasyon ng mga naghihikahos sa mundo. Mayorya ng populasyon rito ay kumikita ng mas mababa kaysa sa minimum na halagang kinakailangan para mabuhay nang disente ang kanilang mga pamilya.

Sadyang binansot ang ekonomiya at pulitika ng mga Palestino sa ilalim ng okupasyon ng militaristang Israel. Sa pamamagitan ng napakaraming mga tsekpyont ng Israeli Defense Forces, kinokontrol ng Israel ang pagkilos ng mama-

mayang Palestino. Kailangan nilang dumaan sa mga ito kahit papunta lamang sa kanilang mga bukid. Mula noong 2002, mas lalo pa itong naging mahirap dahil sa pagtatayo ng pader panseguridad. Isinara ng mga Israeli ang mga daungan at kinontrol ang mga ruta sa lupa dahil dito umano dumadaan ang mga armas at suplay ng mga armadong militanteng grupo.

Dati nang binibigyan ng ayudang pagkain ng World Food Program ng UN ang naghihirap na mamayan ng Gaza Strip. May peligrong matigil ito dahil nitong huli'y hanggang Oktubre na lang ang pondo ng WFP para rito. Hindi rin sigurado ang pangakong \$10 milyong ayuda ng UN (\$1 milyon lang ang galing sa US). Ayon sa WFP, mangangailangan ng \$80 milyon para sa dalawang taon pang ayudang pagkain at gamot sa Gaza Strip. **AB**

**ANG****Bayan**

Pahayagan ng Partido Komunista ng Pilipinas
Pinapatnubayan ng Marxismo-Leninismo-Maoismo

Taon XXXVI Blg. 18
Setyembre 21, 2005
www.philippinerevolution.org

Editorial

Ilunsad ang mga taktikal na opensiba sa buong bansa



Nakahanda at buo ang determinasyon ng Bagong Hukbong Bayan (BHB) na maglunsad ng mga taktikal na opensiba sa buong kapuluan bilang pinakamara-pat na tugon sa lumalalang krisis sa paghahari ng pasista at pahirap na rehimeng Arroyo. Ang paglulunsad ng mga taktikal na opensiba ay tugon sa mahigpit na kahilingan ng mamamayang Pilipino at pagsuporta sa kanilang panawagan at pagkilos sa lansangan para sa pagpapatalsik kay Gloria Arroyo.

Layunin ng mga taktikal na opensiba ng BHB ang magdulot ng malalakas na bigwas upang ipakita ang labis na galit at pagkasuklam ng mamamayang Pilipino sa anti-mamamayan, makadayuhan at mapanupil na rehimen.

Matindi ang pagkakahiwalay ng rehimeng Arroyo sa mamamayang Pilipino. Hindi ito makatatama sa suporta ng mamamayan sa harap ng labis-labis na pagpapahirap at pang-aapi sa kanila, at lantarang pagpapakasasa sa korapsyon ng pami-

lyang Arroyo at mga kapanalig nito. Nakapananatili na lamang ito sa poder dahil sa makitid na suporta ng gubyernong US, matataas na upisyal ng militar at pulisya, ilang masugid na militarista, kleriko-pasista at bayarang myembro sa gabinete. Nakukuha pa nito ang suporta ng karamihan ng mga kongresista at mga lokal na upisyal ng gubyerno pero kapalit lamang ng malaking halagang pansuhol at panggantimpala sa anyo ng mga proyekto, matatabang pusi-syon para sa mga kamag-anak at iba pang mga pabor.

Napakahina at napakabuway na ng rehimeng Arroyo. Ang paglulunsad ng mga taktikal na opensiba ng BHB ay pagsuporta sa kabuuang pagsisikap ng sambayanan upang ibagsak ang

**Mga tampok sa
isyung ito...**

**Panunuhol ni Arroyo
sa kongreso**

PAHINA 5

**Resulta ng usapan
sa Oslo, binaluktot**

PAHINA 7

**Gaza: Pinakamalaking
bilangguan sa buong
mundo**

PAHINA 11

Mga instruksyon sa paglilimbag

1. Ang **sinundang pahina**, na eksaktong kopya ng pahina 1 maliban sa mas mapusyaw ang *masthead* o *logo* ay para sa mga gumagamit ng *mimeo machine* o naglilimbag sa paraang *v-type*. Idinisenyo ito para hindi madaling makasira ng istensil.

2. Pag-*print* sa istensil:

- a) Sa *print dialog*, i-check ang **Print as image**
- b) Alisin ang *check* sa **Shrink oversized pages to paper size**
- k) I-click ang **Properties**
- d) I-click ang **Advanced**
- e) Tiyaking naka-set sa **100%** ang **Scaling**
- d) Ituloy ang pag-*print*

3. Hinihikayat ang mga kasama na ipaabot sa panugutan ng *AB* ang anumang problema kaugnay ng paglilimbag sa pamamagitan ng *v-type*. Magpadala ng *email* sa *angba-yan@yahoo.com*